

## Industrias del Tablero, S.A.

### Identificación e enderezo do establecemento

Industrias del tablero, S.A.

Bidueda, s/n




15560 – San Sadurniño (A Coruña)

As instalacións de Industrias del tablero, S.A., situadas no concello de San Sadurniño (A Coruña), están afectadas polas disposicións do Real decreto 840/2015, do 21 de setembro, polo que se aproban medidas de control dos riscos inherentes aos accidentes graves en que interveñan substancias perigosas. A empresa facilitou á Dirección Xeral de Emerxencias e Interior a notificación recollida no artigo 7 co contido establecido no número 1 do dito artigo, así como a política de prevención de accidentes graves indicada no artigo 8, número 1, e o Plan de emerxencia interior, segundo o reflectido no artigo 12, número 1, do Real decreto 840/2015.

### Actividade do establecemento

Fabricación de chapas e tableiros de madeira.

### SUBSTANCIAS SUSCEPTIBLES DE XERAR ACCIDENTES GRAVES

| Nome                             | Frases H  | Pictogramas   |
|----------------------------------|---|---|
| <b>Gas natural licuado (GNL)</b> | <b>H220</b> - Gas extremadamente inflamable.<br><b>H281</b> - Gas licuado refrixerado.  |  |
| <b>Tetrahidrotiofeno</b>         | <b>H225</b> - Líquido e vapores moi inflamables.<br><b>H302</b> - Toxicidade aguda oral.<br><b>H312</b> - Toxicidade aguda cutánea.<br><b>H315</b> - Provoca irritación cutánea.<br><b>H319</b> - Provoca irritación ocular grave.<br><b>H332</b> - Nocivo en caso de inhalación.<br><b>H412</b> - Toxicidade acuática crónica. |  |
| <b>Fuel</b>                      | <b>H332</b> - Toxicidade aguda inhalación.<br><b>H350</b> - Pode provocar cancro (por inhalación).<br><b>H361d</b> - Toxicidade para a reprodución.<br><b>H373</b> - Pode provocar danos nos órganos tras exposicións prolongadas ou repetidas.<br><b>H410</b> - Toxicidade acuática crónica.                                   |  |


| Nome             | Frases H   | Pictogramas |
|------------------|--|-------------|
| <b>Gasóleo</b>   | <p><b>H226</b> - Líquidos e vapores inflamables.</p> <p><b>H304</b> - Pode ser mortal en caso de ingestión e penetración nas vías respiratorias.</p> <p><b>H315</b> - Provoca irritación cutánea.</p> <p><b>H332</b> - Nocivo en caso de inhalación.</p> <p><b>H351</b> - Sospeitase que provoca cancro.</p> <p><b>H373</b> - Pode provocar danos nos órganos tras exposicións prolongadas ou repetidas.</p> <p><b>H411</b> - Tóxico para os organismos acuáticos, con efectos nocivos duradeiros.</p> |             |
| <b>Oxíxeno</b>   | <p><b>H270</b> - Pode provocar ou agravar un incendio; comburente.</p> <p><b>H281</b> - Contén un gas refrixerado; pode provocar queimaduras ou lesións crioxénicas.</p> <p><b>H361</b> - Susceptible de prexudicar a fertilidade ou danar o feto.</p> <p><b>H335</b> - Pode irritar as vías respiratorias.</p>  |             |
| <b>Acetileno</b> | <p><b>H220</b> - Gas extremadamente inflamable.</p> <p><b>H280</b> - Contén gas a presión; perigo de explosión en caso de quecemento.</p> <p><b>EUH006</b> - Explosivo en contacto ou sen contacto co aire.</p>  |             |
| <b>Tolueno</b>   | <p><b>H225</b> - Líquido e vapores moi inflamables.</p> <p><b>H304</b> - Pode ser mortal en caso de ingestión e penetración nas vías respiratorias.</p> <p><b>H315</b> - Provoca irritación cutánea.</p> <p><b>H336</b> - Pode provocar somnolencia ou vertixe. <b>H361d</b> - Sospéitase que dana o feto.</p> <p><b>H373</b> - Pode provocar danos nos órganos tras exposicións prolongadas ou repetidas.</p>   |             |
| <b>Propano</b>   | <p><b>H220</b> - Gas extremadamente inflamable.</p>  |             |

### Alerta e información á poboación

Ante unha situación no establecemento que poida dar lugar a accidentes graves, alertarase e informarase a poboación afectada.

Os medios previstos son:

- Mediante megafonía con vehículos das Forzas e Corpos de Seguridade do Estado e persoal de Protección Civil.

- Avisos a través dos medios de comunicación social: radio e televisión autonómicas, locais, @112Galicia  , e calquera outro que se considere necesario.

## **MEDIDAS QUE DEBERÁ ADOPTAR A POBOACIÓN EN CASO DE EMERXENCIA**

### **Instrucións de confinamento e autoprotección**

- Se estás na rúa, para maior precaución, e se tes molestias, podes respirar a través de panos mollados e procura un lugar pechado para protexerte (local, edificio...).
- Pecha as portas e as ventás e, se é posible, baixa as persianas e afástate delas.
- Evita fumar, non acendas lume, candeas nin luces de gas.
- Non utilices o teléfono, salvo que sexa estritamente necesario.
- En caso de necesidade, coloca trapos húmidos nas fendas.
- Non utilices aparellos de ventilación.
- Non baixes aos sotos.
- Sigue con atención as instrucións das autoridades.

### **Instrucións de afastamento e refuxio**

No caso de que sexa necesario o afastamento e refuxio, informaranse a poboación e os establecementos veciños, mediante avisos directos a través dos medios de comunicación, do destino e traxecto que deberán seguir de acordo coas seguintes instrucións:

- Durante o traxecto, protexe as vías respiratorias con panos ou trapos e busca refuxio.
- Unha vez no destino, refúxiate no interior dun local ou edificio e pecha as ventás e as portas.
- Non vaias buscar os nenos ao colexio; os seus mestres coidarán deles segundo un plan preestablecido.
- Non utilices o teléfono, salvo que sexa estritamente necesario.
- escoita as emisoras de radio locais e sigue as recomendacións e instrucións que irán difundindo as autoridades.

#### DURANTE A EMERXENCIA



##### **NON VAIAS BUSCAR OS NENOS AO COLEXIO**

Os seus mestres coidarán deles segundo un plan preestablecido. Os centros de ensino son lugares de atención prioritaria e terán a axuda precisa en función do desenvolvemento da emerxencia.



##### **NON UTILICES O TELÉFONO**

Hai que deixar as liñas libres para os equipos de intervención.



##### **PARA MAIOR PRECAUCIÓN, E SE TES MOLESTIAS, PODES RESPIRAR A TRAVÉS DE PANOS MOLLADOS**

O aire pode estar contaminado.



##### **EVITA FUMAR, NON ACENDAS LUME, CANDEAS NIN LUCES DE GAS**

Por unha eventual presenza de produtos inflamables no aire.



##### **AFÁSTATE DAS VENTÁS E CRISTALEIRAS**

Aínda que sempre será de baixa intensidade, se hai perigo de estoupido péchate na parte oposta do lugar onde se espera o estoupido.



##### **SIGUE CON ATENCIÓN AS INSTRUCIÓNS DAS AUTORIDADES**

Manterante informado de todas as medidas adicionais que se deberán adoptar.

##### **NON SAIAS AO EXTERIOR ATA QUE CHO COMUNIQUEN AS AUTORIDADES**

## Última inspección

Segundo o plan de inspección.

Pódense obter, logo de solicitude, os datos acerca da última visita *in situ* e do plan de inspección en:

Vicepresidencia Segunda e Consellería de Economía, Empresa e Innovación  
Xefatura Territorial da Coruña  
Rúa Vicente Ferrer, 2  
15008 A Coruña

## Información adicional

Se desexa consultar máis información, pódese dirixir a:

Dirección Xeral de Emerxencias e Interior  
Xefatura Territorial da Coruña  
Rúa Vicente Ferrer, 2  
15008 A Coruña